

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

205/2020 Foru Agindua, irailaren 10ekoa, hasiera batean onesten duena i-DE, Redes Eléctricas Inteligentes SAU sozietateak sustatutako proiektua interes publikokoa dela deklaratzeko espediente. Proiektua Bilar DES Guardia 13,2/20 kV-ko aireko linea da, Andrea Marañoñ TZ partikularra elikatzen duena, Carrapáganos aurkintzan, Guardiako udalerriko lurzoru urbanizaezinean

I-De, Redes Eléctricas Inteligentes, S. A. U. sozietateak (Iberdrola taldea) obrak egiteko udal lizentzia eskatu dio Guardiako Udalari, Andrea Marañoñ TZ partikularra elikatzeke Bilar DES Guardia 13,2/20 kV-ko aireko linearen proiekturako; hau da, tentsio ertaineko aireko linea elektriko batean tartekatutako beste euskarri bat instalatzea, Carrapáganos aurkintzan, bai eta aireko linea elektriko berria instalatzea ere, Huerta Vieja aurkintzan dagoen landa finka batean eraikiko diren etxebizitza eta nekazaritza biltegia elikatzeke.

Guardiako Udalak espediente bidali du, eta eskatu du izapidetu dadila proiektuaren interes publikoaren adierazpena, Lurzoru eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean sartzen dira proiektu teknikoa eta udal arkitektoak egindako txostena, non jasotzen baita proiektuak eragina duela udalerrri horretako 5 poligonoko 94 eta 106 lurzatietan eta jabari publiko hidraulikoko lurretan (Rioseco erreka). Lurzatiak lurzoru urbanizaezin gisa sailkatuta daude, eta kalifikazio hau dute: "Ibaiak eta errekek babesteko zona", "Komunikazio eta azpiegitura sareetarako babes edo erreserba zona" (etorkizunean A-124 errepidearen saihesbidea izango dena) eta "Nekazaritza intereseko eremuak babesteko zona". Udalerrian indarrean dauden arau subsidiarioetan aurreikusitakoaren arabera, onura publikoko eta interes sozialeko erabilerak instalatzea baimentzen da (110., 111. eta 113. artikulua).

Udal txostenean jasotzen denaren arabera, hauek eskatu behar dira: uren zaintzaren arloan eskumena duen organoaren (Ebroko Konfederazio Hidrografikoa) baimena, AFAko Nekazaritza Garapenerako Zerbitzuaren txostena, instalazioa inbentariatutako bide batetik doalako, eta Foru Aldundiko Errepide Zerbitzuaren eta Historia eta Arkitektura Ondarearen Zerbitzuaren baimen bana. Espedientean jasota dago Eusko Jaurlaritzako Ekonomiaren Garapen eta Azpiegitura Saileko Arabako lurralde ordezkariak 2020ko maiatzaren 6an emandako ebazpena, instalazioa baimendu eta proiektua onartzen duena.

ONARRI JURIDIKOAK

Lehenengoa. Ingurumen eta Hirigintza Sailak eskumena du aztertzen ari den espediente ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Bat etorri lurzoruari eta hirigintzari buruzko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzeko den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogei egunez jendaurrean edukitzeko izapidea bete ondoren".

Bigarrena. Aztertutako kasuan, hasierako onespina izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. - Hasiera batean onestea i-DE, Redes Eléctricas Inteligentes SAU sozietateak (Iberdrola Taldea) sustatutako proiektua interes publikokoa dela deklaratzeko espedientea. Proiektua Bilar DES Guardia 13,2/20 kV-ko aireko linea da, Andrea Maraón TZ partikularra elikatzen duena, Carrapáganos inguruan, Guardiako udalerriko lurzoru urbanizaezinean.

Bigarrena. - Espedientea jendaurrean jartzea, hogei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesa dutenek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. - Foru agindu honek izapide egintza ez kualifikatuaren izaera du, eta haren aurka ezin da errekurtsorik aurkeztu.

Vitoria-Gasteiz, 2020ko irailaren 10a

Ingurumen eta Hirigintza Saileko foru diputatua
JOSEAN GALERA CARRILLO